

Powšitkowne WOZJEWJENJA

njedźelu, 23. junija 2013

TCM na Klósterskim a swójbny m swjedženju

Prěni raz změje Towarstwo Cyrila a Metoda (TCM) na lětušim klósterskim a swójbny m swjedženju njedźelu, 23. junija, w klóštrje Marijinej Hwězdze informaciske stejnišćo. Z kemšemi w 10.30 hodź. so swjedzeń zahaji. Božu mšu, kotruž čěski chór „Ještěd“ z Libereca wobrući, změje Zhorjelski biskop Wolfgang Ipolt. Zakónčacy ekumeniski nyšpor w 17.30 hodź. woswjećitaj Chróšćanski farar Clemens Hrjehor a fararka Angela-Beate Petzold z Budyšina. Mjez tym wočakuje hosći pisany program. W klósterskej cyrkwi poskići so w 13.15 hodź. piščelowy koncert z tachantskim kantorom Friedemannom Böhme.

Patronatny swjedzeń Domu swjateho Jana

Dom swjateho Jana w Smječkecach woswěći srjedu, 26. junija, swój patronatny swjedzeń. Na swjatočnu Božu mšu, kotraž budže w 10 hodź. w Chróšćanskej cyrkwi, přeprošujemy wutrobnje wšitkich přećelow a sobudźělaćerjow našeho domu kaž tež wšitkich wosadnych. *T. Šiman*

Chór zwučuje za putnikowanje dźěći

Wšitke dźěći, kotraž maja lóšt a zajim a rady spěwaja, su přeprošene, Božu mšu a nyšpor na putnikowanju dźěći srjedu, 17. julija, w Róžeńće, jako zhromadny chór wobrućić. Probje za to budžetej na Chróšćanskej farje: sobotu, 29. junija, wot 10 do 14 hodź. a štwórtk, 11. julija, wot 17 do 19 hodź. Zajimcy njech so prošu hač do wutory, 25. junija, pod telefonowym čisłom (03 57 96) 8 87 07 pola Dekanatneho dušepastyrstwa we Worklecach přizjewja.

Kemše w Krupce a pasionska hra w Erlu

Štyridnjowska putniska jězba z wopytom pasionskich hrow w awstriskim Erlu přewjedže so wot štwórtka do njedźele, 27. do 30. junija.

Tež na Božu mšu srjedu, 31. julija, w 10 hodź. w Krupce pojedže zaso bus. Štóž chce na putniku jězbu abo do Krupki sobu jěć, njech přizjewi so pola Šmitec wozydłownistwa w Radworju, telefonowe čisło (03 59 35) 28 60.

Koparski turněr dekanatneje młodžiny

Koparski turněr dekanatneje młodžiny budže sobotu, 6. julija, w Pěskecach. Zakop je w 10 hodź. Přizjewjenja mustwow přijimuju so hač do pónđzele, 1. julija, we Worklecach pod telefonowym čisłom (03 57 96) 9 55 95. Nadrobniše informacije namakaće na plakaće we wosadach.

Lětni koncert w Radworju

Chór Meja přeprošuje wšitkich zajimcow na swój tradicionelny lětni koncert njedźelu, 7. julija, na zahrodže před Starej cyrkwičku w Radworju. Wot 15 hodź. poskići so swačina. Koncert zahaji so w 16 hodź. Program wuhotuja nimo Mejanow rejwarjo Wudworskeho serbskeho folklorneho ansambla, skupina Wólbernosće a Čmjeła Hana, kotraž wjeseli so wosebje na dźěći.